

大清仁宗睿皇帝實錄

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之三十七

大 監修總裁官經筵日講起居注官太子太傅武英殿大學士文淵閣領事稽察欽奉 上諭事件處管理工部事務翰林院掌院學士隨帶

大 加級尋常加四級臣曹振鏞總裁官太子太保文淵閣大學士管理刑部事務加級臣戴均元經筵日講起居注官太子少保內大臣文淵閣總纂

大 閣事稽察欽奉 上諭事件處編修大學士戶部尚書翰林院掌院學士教習庶吉士總管內務府大臣銀黃旗滿洲都統堂統額管理戶

大 部三庫奉宸苑清漪園等處總理工程處御茶膳房御藥房太醫院西洋堂事務軍功加三級隨帶加二級尋常加十三級紀錄二十次臣

堂 英和經筵講官太子太保禮部尚書書房行走武英殿總裁管理國子監事務加六級隨帶加二級紀錄四次臣汪廷珍奉

教修

嘉慶四年己未春正月庚申朔

上詣

奉先殿行禮○詣

堂子行禮○遣官祭

太廟後殿○

上奉

太上皇帝御乾清宮率王以下文武大臣官員

蒙古王公額駙台吉及外藩使臣行慶賀禮

禮成

上御太和殿受朝作樂宣表如儀○詣

大高殿

壽皇殿行禮○侍

太上皇帝御乾清宮賜皇子親藩等宴○加賑

江蘇豐沛銅山邳宿遷安東海沐陽八州縣

衛被水災民及兩淮板浦中正臨興三場被

水竈戶○貸安徽毫蒙城太和懷遠鳳陽五

河盱眙七州縣衛被水災民口糧○賑山東

曹單城武濟寧金鄉魚臺嘉祥鄒滕嶧十州

縣及臨清濟寧二衛被水災民並貸口糧有

差○辛酉

太上皇帝聖躬不豫

上侍疾養心殿籲

天虔禱問視彌謹嚮夕大漸○壬戌辰刻

太上皇帝崩

上至

御榻前捧足大慟擗踊呼號仆地良久視小斂

畢先趨乾清宮於西丹墀下跪迎

大行太上皇帝吉輦敬奉乾清宮西次間

上翦髮成服。

皇貴妃及妃嬪以下俱翦髮成服。申刻。

大行太上皇帝大斂。

上痛哭失聲。擗踊無數。既斂。奉安。

梓宮於乾清宮正中。陳奠設幕。自親王以下文

武各官。公主福晉以下。侍衛妻以上。及包衣

佐領等男婦俱成服。在京之蒙古王公台吉

暨外藩使臣亦俱成服。各按位次齊集。舉哀。

上哀慟深至。自旦至晡。哭不停聲。竟日水漿不

入口。王大臣等伏地環跪懇

上節哀。

上悲痛不能自己。左右皆弗忍仰視。○遣官告

祭

奉先殿。○

上以上書房為倚廬。席地寢苦。每日朝夕詣

梓宮前。上香二次。供膳三次。自是夕至啟奠以

前有常禮。哭必盡哀。○諭內閣。予以薄德。寅

紹

丕基自丙辰初元

皇父太上皇帝親授大寶夙夜兢兢深以不克

負荷是懼仰賴

天

祖垂佑我

皇父康彊純固

訓政彌勤予日侍

聖顏時聆

恩誨事事得有稟承每歲披

輦巡方萬衆歡欣同殷瞻就予問

安視

膳之下竊幸

皇父精神矍鑠不減平時愛日寸忱於焉稍慰

昨以庚申年恭值

皇父九旬萬壽予躬率王公大臣等臚誠籲請

舉行慶典欣荷

慈俞率土敷天同伸舞蹈敬念

皇父年躋上壽諸福備膺

五世一堂。即日可見來孫之喜。凡子臣頌禱無已之詞。皆我

皇父德福兼隆之實。予祈

天祝嘏。來日方長。慶幸之餘。惟知一則以喜。實不忍言一則以懼也。

皇父壽履康寧。得

天獨厚。自彊不息。閱數十年如一日。自上年冬

臘。偶感風寒。調愈後。氣體雖遜於前。然猶日

親

訓政未嘗稍輟。歲前蒙古王公及外國使臣等。

瞻覲

聖顏。欽承

溫諭。無不頂祝。期頤正旦。

御乾清宮。予躬率王公文武大臣等。行慶賀禮。

方冀入春以後。漸可復元。詎期我

皇父忽焉奄棄。臣民於正月初三日辰時。

龍馭上賓。搶地呼天。椎心泣血。

深恩罔極。欲報無由。敬思

皇父御宇六十年來厚澤深仁淪浹肌髓凡有
血氣莫不

尊親自必如喪考妣予受

恩嗣統當茲大故創鉅痛深哀感之外尚復何

言惟念

皇父付畀至重凡所以勉紹

前猷仰承

先志者實藐躬之責繼自今欲再聆

慈訓豈可復得煢煢在疚祇懼日深尚賴內外

文武大小臣工共矢公忠敬襄郅治弼亮予
躬即以上報

皇父恩遇其軍營總統諸將等亦當仰體

皇父簡拔委任之恩

訓誡督責之意振作自新迅掃餘孽上慰

在天之靈尚屬天良不昧勉之至一切喪儀著

派睿親王淳穎成親王永理儀郡王永璇大

學士和珅王杰尚書福長安德明慶桂署尚

書董誥尚書彭元瑞總管內務府大臣縕布

盛住總理其詳稽舊典悉心酌議隨時具奏
施行將此通諭中外知之○又諭予受

皇考付託之重夙夜兢兢今猝遭大故

龍馭上賓搶地呼天五中摧裂敬惟

皇考在御六十年來教養萬國臣民旰食宵衣
備極勞瘁此予所親知親見者是以薄海內
外共享昇平之福貽及子孫追惟

鞠育深恩未由仰報萬一其服制一節欽奉

皇考遺詔持服二十七日而除但予自沖齡以

來荷蒙

皇考教誨生成於諸弟兄中鍾愛期望迥逾常

格自

親授大寶後孜孜

訓政又逾三載

高厚深仁昊天罔極實非自古帝王樞前即位

者可比雖欽奉

皇考遺詔以日易月予心實有所不忍即持服
百日亦屬日月易盡而哀慕無窮自當恪遵

古制敬行三年之喪庶幾稍盡思慕之忱至
於

郊

廟祭祀大典自不應因大喪而稍畧其禮其應
如何遣官恭代及親詣行禮之處著諸王大
學士等查照向例集議以聞所有天下臣民
應持服制仍照定例舉行○又諭自古帝王
功德顯著必有隆稱懿號昭垂萬世典至鉅
也我

皇考大行太上皇帝御極六十年。授璽貌躬。猶

復日勤

訓政。提命諄殷。方冀日侍

慈顏。期頤稱慶。詎意

聖躬偶有不豫。

龍馭升遐。予摧裂五中。攀號莫逮。深懼無以顯

揚

皇考崇功駿烈。以副天下臣民之望。欽惟

皇考撫御萬邦。法